

Пойтахт йўлларида таъмирлаш ишлари давом этмоқда



Тошкент шаҳрининг Давлат дастурига кўра таъмирланиши кўзда тутилган йўл ва кўчаларидан ташқари - кичик ҳалқа йўлининг Шота Руставели кўчасидан "Бодомзор" чорраҳасига қадар бўлган қисми ҳам – лозим бўлган жойларда ирригация лотоклари ўрнатиш ишлари билан биргаликда тўла таъмирланадиган бўлди.



Бу жараёнда буюртмачи сифатида - "Тошкент шаҳар минтақавий йўлларга буюртмачи хизмати" давлат унитар корхонаси, бош лойихачи – "Йўл лойиха бюроси" МЧЖ ҳамда бош пудратчи – "Трансйўлқурилиш маҳсус пудрат" МЧЖ белгиланган.



Ҳозирги кунда қурилиш ишлари жадал давом этмоқда. Жорий йилнинг ўтган I ярим йиллиги давомида эса пойтахтдаги 53,9 км узунликдаги йўл ва кўчалар таъмирланди.



Қайд этиш керакки, авваллари ички автомобиль йўллари қурилиши ва таъмири бўйича буюртмачи сифатида - ҳокимликлар хузуридаги ягона буюртмачи инжинииринг компанияси ҳамда ободончилик бошқармалари иштирок этган бўлса, бугунги кунда пойтахтда ҳам, худудларда ҳам бу вазифани - Ўзбекистон Президентининг 2017 йил 14 февралдаги ПҚ-2776-сонли қарори билан ташкил этилган Автомобиль йўллари давлат қўмитаси таркибидаги Умумий фойдаланувдаги автомобиль йўлларини қуриш ва реконструкция қилиш дирекциялари бажармоқда. Бу эса автомобиль йўллари қурилишидаги ягона техник сиёсатни амалга ошириш имконини беради.

[Автомобиль йўллари давлат қўмитаси](#)

[матбуот хизмати](#)